

☞ ТТЕМ-БИЯНУТНО МОРО

Орисйо мери... Бах романи... Та ко, со те ппенел, шукар синян!
Динян ман бах бари, девликани те биянгъовав атте! Бияндиљом
машкар о бахчес лулужане ме гудле биянутне ттемеске, България!
Ппув екшук-шукарни! Палал пе миля нишания гудлендне араккли
папувиендар-праенданя ерлидес, ан пи бути керди, майсторя баре!

Ттем-биянутно, ва, ме синоъом “ромни”, ама дук-дуккал ман
ашал туке бари! Тай ка дуккал ман! Мо бариканипе пиел те
ккамипнастар сила! Тай ме заронав, ухтяв туке, сайгия девлани,
мамуј састе ворбате, сави то алав хахавел тай лескери секо ек харфин!

Ппув, парамисиенгири синян! Ханикани поезя! Ппув гилдяни!
Ччиб дасикани, юзерани! Ворбес наккавде мириккле андо раи!
Рамиряне, сатирикане, храмоматяне! Ворбес рамириенгере,
храмоматиенгере
биянде презал о соси заманя, ама дехимнаса екаек зорало, екаек
дендо ккамипе те алавеске България! Радой Ралин! Яворов! Вазов!
Ботев! Дебелянов тай бут, бут авер!

Тай авдјес рамиря, рамиркес,
храмиера сайдиге, мере амала вогяле, илале!
Чириккле, савен иси сомнайкуне пора, гиля туке
мирази муken те манушенге тай туке Ттем-биянутно амаро!

Ттан-биянутно моро! Ппув Екшук!
Папувиендар араккли палал миля нишаня гудленде!
То ккам, са те пекел! Са те ттавден те пайня!
О Дел те араккел тут са, андо сайпе, бахтаса!

Ти поезия Ттем-биянутно, моро! Диняс ман ангали! Ваздингясн ман!
Урянилиом!
Кондингъом! Акетальъом! Купате роменца тай ппувютненца!
О, сащи! О, Ттем-биянутно, моро! Ту са, соси жангян англал ман, тай ме
уљом,
тай синъом, саде тери ек-халайнка! Найсарав туке Девла, тере деймнаске
бахтало!
Тай палем ка мангав адавка те дес ман! Адавка жи ко чир! Жи ки
секунда
катар мери бах тай моро ттан, Ттем-биянутно!

Ттем-биянутно моро, ек-еккоро, дехиме, сайдиге
жи ко диби ме вогескоро, дехимнаса чачуно, сакрално, илало, баро!
Еккоро тай екшутно! Е вогенгоро вајори! Молинав тут!
О овелипе, састе ччаворескоро, трушало дехимнаске, ту вайне!
Лескоро баро манглипе доресав! Щавинкяр!
Тай нисар, никкас те на овел ачиклипе